



# O'ZBEKISTON OVOZI

## Фракция фаолияти



Владимир ГОНАЧЕНКО, Муроббек СИЁЕ олган суратлар.

## ФРАКЦИЯ ЙИГИЛИШИ

### қонун лойиҳалари муҳокамасига бағишланди

Олий Мажлис Қонунчилик палатасида Ўзбекистон ХДП фракцияси йиғилиши бўлиб ўтди. Унда мутасадди вазирлик ва ташкилот вакиллари иштирок этди.

Йиғилишда кун тартибига киритилган «Сугурта фаолияти тўғрисида»ги Ўзбекистон Республикаси Қонунига ўзгартиш ва қўшимчалар киритиш ҳақида»ги, «Ўзбекистон Республикаси Фуқаролик кодексининг 477-моддасига ўзгартиш киритиш тўғрисида»ги, «Ўзбекистон Республикасининг Жиноят кодексига ва Ўзбекистон Республикасининг Маъмурий жавобгарлик тўғрисидаги кодексига ўзгартиш ва қўшимчалар киритиш ҳақида»ги, «Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғри-

сида»ги ҳамда «Хусусий мулкни ҳимоя қилиш ва мулкдорлар ҳуқуқларининг кафолатлари тўғрисида»ги қонун лойиҳалари биринчи ўқишда кўриб чиқилди. Ҳар бир қонун лойиҳаси электрат манфаатларидан келиб чиқиб, муҳокама этилди. Фракция аъзолари қонун лойиҳаларини тақомиллаштириш бўйича ўз фикр-мулоҳазаларини билдиришди. **Улугбек ЗОКИРОВ, Олий Мажлис Қонунчилик палатаси депутати, ЎзХДП фракцияси аъзоси:** — «Сугурта фаолияти тўғрисида»ги Ўзбекистон Респуб-

ликаси Қонунига ўзгартиш ва қўшимчалар киритиш ҳақида»ги қонун лойиҳаси Президентимизнинг «2011-2015 йилларда республика молия-банк тизимини янада ислох қилиш ва барқарорлигини ошириш ҳамда юқори халқаро рейтинг кўрсаткичларига эришишнинг устувор йўналишлари тўғрисида»ги Қарори ижросини таъминлаш, бу борада қонунчиликни мустаҳкамлаш мақсадига ишлаб чиқилган. Мазкур қонун лойиҳаси микромолиялаш соҳасини ва нобанк молия секторини янада ривожлантиришга ҳуқуқий замин яратди. Қонун лойиҳасида «Сугурта фаолияти тўғрисида»ги Қонуннинг 19 та моддасига тегишли тартибда қўшимча ва ўзгартиш киритиш кўзда тутилмоқда. Бунда соҳага оид халқаро тажриба инобатга олинган. Қонунга киритилган ўзгартиш ва қўшим-

чалар сугурта бозори иштирокчиларининг фаолиятини янада тақомиллаштиришга хизмат қилади. **Алишер ТИЛЛАБОВЕВ, Олий Мажлис Қонунчилик палатаси депутати, ЎзХДП фракцияси аъзоси:** — «Ўзбекистон Республикаси Фуқаролик кодексининг 477-моддасига ўзгартиш киритиш тўғрисида»ги қонун лойиҳасида электр энергияси ва табиий газ етказиб берилмаслиги ёки кам етказиб берилиши натижасида истеъмолчига етган зарар таъминотчи корхонадан ундирилиб берилишини таъминловчи меъёр жорий қилиш кўзда тутилган. Бу, таъминотчи корхоналарнинг шартномавий жавобгарлигини янада кучайтиришга қаратилгани билан аҳамиятлидир. **(Давоми 2-бетда.)**

## «Ўзбекистон — умумий уйимиз»

### БИЗ — БИР ОИЛА ФАРЗАНДЛАРИМИЗ

Президентимиз Ислам Каримов раҳнамолигида мамлакатимизда истиқомат қилаётган барча миллат ва элат вакилларининг меҳнат қилиши, дам олиши, ўқиби-изланиши, ўз салоҳиятини кенг намоиш этиши ҳамда миллий қадрият ва анъаналарини ривожлантириши учун катта имкониятлар яратилди. Бу борада амалга оширилган улкан ишлар мамлакатимизда яшаётган барча миллат ва элат вакилларининг жонажон Ўзбекистонни ягона Ватан деб билиши, қадрлаши, миллатлар ва динлараро тотувликни, юрт тинчлигини таъминлашида муҳим омил бўлаётди. Республика байналмилал маданият маркази ташкил этилганининг 20 йиллиги олдида Ўзбекистон Миллий ахборот агентлиги — ЎЗА мухбирлари мамлакатимизда истиқомат қилаётган турли миллат вакиллари билан суҳбатда бўлди.

**Олег СКУРИДИН,**  
«Светлица Польска» Республика поляк маданият маркази раиси:

— Менинг киндик қоним ўзбек заминига тўкилган. Мактабни тамомлагач, Ўзбекистон Миллий университетининг фалсафа факультетига тахсил олдим. Шу ерда оила қурдим, икки фарзандим бор. Ўзбекистон — она Ватаним, бутун ҳаётим, эришган муваффақиятларим шу муқаддас юрт билан боғлиқ. Катта қизим ҳам турмушга чиқиб, фарзандли

бўлди. Ҳозир оиласи, севган касби бор. У ҳам биз каби ҳаётдан мамнун. Шунини ишонч билан айта оламанки, Ўзбекистонни бир кўрган, унинг бир пиёла сувини ичган киши унга бир умр боғлиқ қолади. Ўзбекистонда барча миллат вакиллари тенг ҳуқуқ ва имкониятларга эга. Турли миллат ва элатлар вакилларининг ўз тарихини ўрганиши, тили-

ни, маданияти ва санъати, урф-одатлари ва анъаналарини ривожлантириши учун қулай шароит яратилган. Бу борада давлатимиз раҳбари Ислам Каримов томонидан қаратилаётган улкан ва доимий эътибор бизни гоят кувонтиради ва руҳлантиради. Шу кунларда Республика байналмилал маданият марказининг 20 йиллигига бағишлаб ўтказилаётган байрам тадбирларида ўз жаомиз билан куй-қўшиқларимиз ва ракс дастурларимизни намоиш этиш учун қизгин тайёргарлик кўряпмиз.

**Кокяб АЛИЕВА,**  
Азербайжан миллий маданият маркази фаоли:

— Ўзбекистонда 1949 йилдан буён яшайман. Касбим — балетмейстер. Ҳозир болаларга рақсдан сабоқ бераман. Мамлакатимизда Президентимиз Ислам Каримов раҳнамолигида барча соҳаларда амалга оширилаётган

кенг қўламли ислохотлар замирида миллатлараро тотувлик ва бағрикенгликни таъминлаш, ўсиб келаётган ёш авлодни Ватанга муҳаббат, юртга садоқат, миллий истиқлол гояларига ҳурмат руҳида тарбиялаш, уларни жисмонан ва маънан баркамол

инсонлар этиб вояга етказиш мақсади мужассамдир. Ўзбекистонимизда истиқомат қилаётган 130 дан ортиқ миллат ва элат вакиллари сингари биз, азербайжанларнинг ҳам тинч-тотув яшашимиз, меҳнат қилишимиз учун барча шароит ва имкониятлар яратилганидан беҳад мамнунимиз. Бу ҳижатлар марказимиз фаолиятида ҳам яққол намоён бўлаётди.

**Зинаида СОЛОВЕЙ,**  
Республика украин маданият маркази бошқаруви аъзоси, Ўзбекистон Республикаси халқ артисти:

— Ўзбекистон ҳақида сўзлаганимда, қувончдан кўзларимга ёш келади. Кўп қўламли мамлакатларда бўлганман, бироқ ҳеч ерда ўзбек халқидек меҳмондўст, оққўнли, бағрикенг ва меҳр-оқибатли инсонларни учратмаганман. Бу ажиб диёрнинг илиқ тафти қаерга бормай, мени яна ўзига оҳанрабодек чорлайверади. Ҳеч қандай муволағасиз айта оламанки, Ўзбекистоннинг ҳар бир қарич ери мен учун му-

қаддас. Бу мамлакатда яшаётганимдан, унинг фуқароси эканимдан жуда мамнунман. Президент Ислам Каримов раҳнамолигида миллатлараро тотувликни таъминлашга катта эътибор қаратилаётганини алоҳида таъкидлашни истардим. Бу ерда тили, дини, ижтимоий келиб чиқишидан қатъи назар, барча мил-

лат ва элатлар вакилларининг ахил-иноқ яшаши учун барча шароит яратилган, ҳуқуқ ва манфаатлари таъминланаётди. Дунёнинг турли мамлакатларида можаро ва тартибсизликлар рўй бераётган бу гунги мураккаб шароитда серқуёш Ўзбекистонимизда тинчлик ва барқарорлик ҳукм сураётгани биз учун катта бахтдир. Мусаффо осмонимизга ҳеч қачон қора булут ораламасин, жонажон Ўзбекистонимизга кўз тегмасин!

ЎЗА мухбирлари **Мадина УМАРОВА,** **Ирода УМАРОВА** ёзиб олди.

## АНИҚ ТАКЛИФ ВА ТАШАББУСЛАР БИЛАНГИНА ОБРЎ ҚОЗОНИШ МУМКИН

ЎзЛиДеП эса ижро ҳокимияти томонидан амалга оширилган ишлар соясида қолиб кетмаяптими?.. **2-бет**

### Ватан ҳимояси — олий шараф

## Ўғлимдан фахрланаман

Ўзим — қурувчиман. Турмуш ўртоғим — маданият ходими. Катта ўғлимиз Рустамбой Тошкент тиббиёт академияси Урганч филиали даволаш факультетига тахсил олмоқда. Кичик ўғлимиз Расулбек ҳарбий хизматда.

У ёшлигидан жисмонан бақувват бўлиб ўсди. Урта мактабда, кейин коллежда ўқиб юрган пайтида ҳарбий хизматга боришни орзу қилган. Ўтган йил окрида аскарлар орасида ўзаро мусобақа ўтказилди. Унда Расулбек фаол катнашиб, «Ҳарбий спортчи» кўкрак нишонини билан тақдирланганди. Бундан биз қувондик. Яқинда ўғлим ҳарбий хизмат қилаётган қисм командири номидан «Ташаккур хати» келди. Унда шундай сўзлар бор: «Ҳурматли Рўзимбой ака! Сизнинг фарзандингиз оддий аскар Мадраимов Расул ҳарбий қисмда хизмати давомида ўзини ҳар томонлама яхши фазилатларини намоиш этди. У намунали хизмати ва тартиб-интизоми билан бошқаларга ўрнак бўлиб, олдида қўйилган вазифаларни сидқидилдан бажарди. Ўғлингиз ўзининг маънавий етуқлиги, ақлий

қобилиятининг юқорилиги билан сафдошлари орасида хурмат ва эътиборга эга бўлиб, командирларининг мактов ва тахсинларига сазовор бўлди. Фарзандингиз мустақил Ўзбекистон сарҳадларини ҳимоя қилишда шарафли касб эгаси эканидан фахрлансангиз арзийди. Томирида буюк боболарининг қони оққан ҳар бир мард ўғлон қалбида она Ватанга муҳаббат ва садоқат туйғуси мужассам бўлади. Ишонимизки, ўғлингиз ҳам шу туйғунини ўз элининг туپроғи, байроғи каби асраб-авайлайди. Шундай фарзандни вояга етказиш ҳар бир ота-онадан юксак меҳр ва матонатни талаб этади. Сизлар тарбиялаб ўстирган фарзанд бугун Ватан ҳимоячиси, ўз юртининг, эл-улусининг қўриқчиси! Шундай фарзандни тарбиялаб вояга етказганингиз учун Сизларга катта раҳмат! Сиздай

оталар бор экан, Ватанимиз бундан кейин ҳам гуллаб-яшнашига ишонимиз комил. Сизларга сихат-саломатлик, оилангизга тинчлик, тотувлик ва хотиржамлик тилайман. Ҳурмат билан қисм командири, майор **И.Қурбонов**. Бу хатни ўқиб, кўзларимга ёш келди. Ўғлимнинг ўз тенгдошлари сафида юртимиз сарҳадлари, халқимиз тинчлигини таъминлаётганидан фахрландим. Айни чоғда, истиқлол йилларида юртимизда қудратли армия шаклланигани, аскарларга ҳар томонлама шарт-шароит яратилгани, улар юксак технологияларни эгаллаётганига шукрона айтдим. Албатта бундай армия — халқимизнинг бахтидир. Миллий армиямиз ташкил топганининг 20 йиллиги кенг нишонланаётган шу кунларда бир ота сифатида барча ҳарбийларни байрам билан кутлайман! Ватанимиз тинчлигини сақлашдек шарафли ишда уларга муваффақият тилайман. **Рўзимбой МАДРИМОВ, Хоразм вилояти, Богот тумани.**

Президентимиз раҳнамолигида кичик бизнес ва хусусий тадбиркорлик субъектларини қўллаб-қувватлашга қаратилаётган алоҳида эътибор туфайли мамлакатимизда импорт ўрнини босувчи маҳсулотлар ишлаб чиқарадиган корхоналар сонини ва уларнинг ялпи ички маҳсулот таркибидаги улуши тобора ортиб бормоқда.

## «ФАХР ТЕКСТИЛСАВДО» МАҲСУЛОТЛАРИ

Наманган вилоятида ҳам 2011 йилда халқ истеъмоли моллари ишлаб чиқариш кўламини кенгайтириш билан боғлиқ тўқсондан ортиқ лойиҳа амалга оширилди. Кўплаб янги корхоналар ташкил этилди. «Фахр текстилсавдо» масъулияти чекланган жамияти ана шундай корхоналардан бири. Давлатимиз раҳбарининг 2010 йил 15 декабрда қабул қилинган «2011-2015 йилларда Ўзбекистон Республикаси саноатини ривожлантиришнинг устувор йўналишлари тўғрисида»ги қарори асосида ташкил этилган мазкур корхонага 158 минг АҚШ доллари миқдоридида эликдан ортиқ замонавий бичиш ва тикиш дастгоҳлари келтириб ўрнатилди ва эр-

кактар қўйлақлари ишлаб чиқариш йўлга қўйилди. Корхонанинг ўттиздан зиёд маҳаллий ёшлардан иборат меҳнат жамоаси компьютерлаштирилган дастгоҳларда ишлашни қисқа вақт ичида ўзлаштирди. Улар томонидан тайёрланган икки мингдан зиёд дастлабки маҳсулот савдога чиқарилди.

**А.САТТОРОВ,**  
ЎЗА мухбири.

Суратда: «Фахр текстилсавдо» масъулияти чекланган жамияти тикувчиси **Муниса Аҳмаджонова.** **Ҳотам МАМАДАЛИЕВ (ЎЗА)** олган сурат.



## Оила ҳақидаги ҳикमतлар

«Оила» сўзининг минглаб мазмуни бор. Лекин бу сўз одамлар ҳаёти билан биргаликдагина мазмунга эга. Одам унда мужассам бўлмаса, бу сўзининг аҳамияти қолмайди. Агар «оила» сўзининг энг асосий мазмуни муҳаббат десам, билингни, муҳаббат оила тушунчасига қаратаман да ҳам ҳаётга кўпроқ боғланган.

**Робиндронат ТАГОР**







